

588/21- 12

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK

Broj: 02-45- 12802/21
Zenica, 01.07. 2021. godine

STRUČNA SLUŽBA GRADSKOG VIJEĆA

PREDMET: Prijedlog Rješenja o imenovanju člana Upravnog odbora Javne ustanove
„Dom zdravlja“ Zenica, predstavnik stručnih radnika, dostavlja se

Poštovani,

U prilogu ovog akta dostavljamo vam Prijedlog Rješenja o imenovanju člana Upravnog odbora Javne ustanove „Dom zdravlja“ Zenica, predstavnik stručnih radnika.

S poštovanjem,



GRADONAČELNIK

[Signature]
Fuad Kasumović

DOSTAVLJENO:

1x Naslovu
1x a/a

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA

PRIJEDLOG

R J E Š E N J A
O IMENOVANJU ČLANA UPRAVNOG ODBORA JAVNE USTANOVE „DOM
ZDRAVLJA“ ZENICA, PREDSTAVNIK STRUČNIH RADNIKA

Zenica, juli 2021. godine

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), a u vezi sa članom 64. stav (8) Zakona o zdravstvenoj zaštiti ("Službene novine Federacije BiH", broj: 46/10 i 75/13) i člana 21. tačka 18. Statuta Grada Zenica ("Službene novine Grada Zenica", broj: 5/15), Gradsko vijeće Zenica, na ____ sjednici održanoj _____ 2021. godine, donijelo je

RJEŠENJE
o imenovanju člana Upravnog odbora
Javne ustanove "Dom zdravlja" Zenica, predstavnik stručnih radnika

I

Branka Gajanović, dr. spec., imenuje se za člana Upravnog odbora Javne ustanove "Dom zdravlja" Zenica, predstavnik stručnih radnika.

II

Imenovanoj članici iz tačke 1. ovog Rješenja mandat traje do 07.03.2025. godine, odnosno do isteka mandata članova Upravnog odbora čiji su mandati u toku.

III

Ovo Rješenje stupa na snagu danom donošenja, a objavit će se u „Službenim novinama Grada Zenica“.

Broj: 01- /21
Zenica, 2021.godine

PREDSJEDAVAJUĆI
GRADSKOG VIJEĆA

O B R A Z L O Ž E N J E

I PRAVNI OSNOV

Odredbom člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13) propisano je da konačna imenovanja vrši odgovorni javni službenik, odnosno Gradsko vijeće.

Odredbom člana 64. stav (8) Zakona o zdravstvenoj zaštiti ("Službene novine Federacije BiH", broj: 46/10 i 75/13) propisano je da predsjednika i članove upravnog odbora zdravstvene ustanove u svojini opštine imenuje/razrješava opštinsko vijeće, na prijedlog opštinskog načelnika.

Odredbom člana 21. tačka 18. Statuta Grada Zenica („Službene novine Grada Zenica“, broj: 5/15) je propisano da Gradsko vijeće u okviru svojih nadležnosti, između ostalog, imenuje, bira i razrješava druge osobe određene zakonom, Statutom i odlukama, te daje suglasnost na imenovanja, izbor i razrješenja kada je to propisano.

II RAZLOZI DONOŠENJA

Rješenjem o imenovanju Upravnog odbora Javne ustanove „Dom zdravlja“ Zenica broj: 01-45-4640 od 08.03.2021. godine, imenovan je Upravni odbor u sastavu kako slijedi:

- Mia Pojskić, diplomirani ekonomista, predstavnik osnivača,
- prof.dr.sci. Larisa Gavran, dr.spec.prim, predstavnik stručnih radnika,
- Belma Kovač-Spahić, diplomirana pravnik, predstavnik Ministarstva zdravstva ZDK.

S obzirom da je prof.dr.sc. Gavran Larisa, predstavnik stručnih radnika, 19.04.2021. godine zbog narušenog zdravlja i otežanog obavljanja radnih obaveza, podnijela neopozivu ostavku na mjesto člana Upravnog odbora, Gradsko vijeće Zenica na 9. sjednici održanoj 29.04.2021. godine, u skladu sa članom 4. Zakona o ministarskim, vladinim i drugim imenovanjima Federacije Bosne i Hercegovine, za privremenog člana upravnog odbora do okončanja konkursne procedure, a najduže na period od tri mjeseca, imenovalo je dr.spec. Branku Gajanović.

Imajući u vidu da je privremeni Upravni odbor imenovan na kraći period, odnosno na period od najviše tri mjeseca, Gradonačelnik Grada Zenica je objavio novi Oglas za izbor i imenovanje člana Upravnog odbora Javne ustanove „Dom zdravlja“ Zenica, predstavnik stručnih radnika, u dnevnom listu "Oslobođenje" i u „Službenim novinama Federacije BiH“, broj: 38/21, dana 14.05.2021. godine, i web stranici Grada Zenica dana 12.05.2021. godine.

Rješenjem broj: 02-45-10889/21 od 07.06.2021.godine, Gradonačelnik Grada Zenica formirao Komisiju za provođenje postupka izbora člana Upravnog odbora Javne ustanove „Dom zdravlja“ Zenica u sastavu: Primorac Bojana, diplomirana pravnik, predsjednica, Porča Alisa,

diplomirana pravica, članica, Ščetić Alma, diplomirana pravica, članica, Adilović Nusret, diplomirani pravnik, član, Ismičić Maid, diplomirani ekonomist, član.

Shodno tačkama II i III označenog rješenja, u smislu procedure izbora kandidata za imenovanje na predmetnu poziciju, Komisija je imala za zadatak da sve kandidate koji ispunjavaju uslove utvrđene javnim konkursom pozove na intervju, sastavi listu kandidata koji ispunjavaju kriterije, te da listu s izvještajem dostavi donosiocu rješenja, odnosno Gradonačelniku, u svrhu pripreme konačnog prijedloga za imenovanje i upućivanje istog radi razmatranja pred Gradskim vijećem.

Iz Zapisnika Komisije od 16.06.2021. godine, proizilazi sljedeće:

Na Oglas za izbor člana Upravnog odbora Javne ustanove „Dom zdravlja“ Zenica, predstavnik stručnih radnika, blagovremeno su pristigle ukupno dvije prijave, a neblagovremenih prijava nije bilo. Na Oglas prijave su dostavili sljedeći kandidati:

1. dr. spec. Branka Gajanović i
2. Azra Smailbegović-Đuherić diplomirani pravnik.

Detaljnim pregledom pristiglih prijava, Komisija je utvrdila da su prijave sljedećih kandidata potpune, te da prijavljeni kandidati ispunjavaju sve uslove tražene Oglasom i to:

1. dr. spec. Branka Gajanović.

Komisija je konstatovala da prijava kandidatkinje Azra Smailbegović-Đuherić ne ispunjavaju uslove tražene predmetnim Oglasom.

Naime, kandidatkinja Azra Smailbegović-Đuherić dostavila je Rješenje o postavljenju državnog službenika Stručne Vlade Zeničko-dobojskog kantona broj: 02-1-34-18278/13 od 29.08.2013. godine i Potvrdu Ministarstva za pravosuđe i upravu Zeničko-dobojskog kantona broj: 06-30-7656/21 od 02.05.2021. godine, iz kojih Komisija za izbor nije mogla utvrditi dužinu radnog iskustva u struci u trajanju najmanje pet (5) godina. Također, kandidatkinja nije dostavila prijavu na Oglas, a shodno odredbi člana 64. stav (5) Zakona o zdravstvenoj zaštiti (Službene novine Federacije BiH“, broj: 46/10 i 75/13) nije predstavnik stručnih radnika zdravstvene ustanove, a za čije je imenovanje objavljen Oglas.

Po otvaranju prijava, Komisija je pismenim i usmenim putem obavijestila kandidatkinju dr.spec. Branku Gajanović o terminu održavanja intervjua, a koji je održan u ponedjeljak, 21.06.2021. godine, u maloj sali Grada Zenica (Služba kabineta Gradonačelnika - II sprat), s početkom u 11,00 sati.

Nakon dostavljanja zapisnika od strane Komisije s utvrđenom rang listom kandidata, Gradonačelnik dostavlja Vijeću Prijedlog Rješenja o imenovanju člana Upravnog odbora Javne ustanove „Dom zdravlja“ Zenica, a kojim se predlaže imenovanje kako slijedi:

- dr. spec. Branka Gajanović, predstavnik stručnih radnika.

III POJAŠNJENJE SKRAĆENOG POSTUPKA

Imajući u vidu da je u konkretnom slučaju riječ o rješenju, kao pravnom aktu kojim se rješava u pojedinačnoj stvari, odnosno da nije riječ o složenom ili aktu obimne pravne regulacije, to predlagač isto, u skladu s odredbom člana 69. stav (1) Poslovnika Gradskog vijeća („Službene novine Grada Zenica“, broj: 4/17), dostavlja Vijeću na razmatranje u formi prijedloga.

KOMISIJA ZA IZBOR I IMENOVANJE ČLANA
UPRAVNOG ODBORA JAVNE USTANOVE
„DOM ZDRAVLJA“ ZENICA